

四庫全書薈要

• 乾隆御覽本

子部

欽定四庫全書薈要

子部

齊民要術卷三

四

詳校官主事臣陳本



齊民要術卷三

後魏 賈思勰 撰

種葵第十七

蔓菁第十八

種蒜第十九

種蠶第二十

種葱第二十一



種韭第二十二

蜀芥芸薹芥子第二十三

胡荽第二十四

蘭香第二十五

荏蓼第二十六

種薑第二十七

種藁荷芹蘆第二十八

苜蓿第二十九

# 雜說第三十

## 種葵第十七

廣雅曰歸丘葵也廣志曰胡葵其花紫赤博物志曰人食落葵為狗所齧作瘡則不差或至死案今世葵有紫莖白莖二種種別復有大小之殊又有鴨腳葵也

臨種時必燥曝葵子

葵子雖經歲不澁然濕種者疥而不肥也

地不厭良故

墟彌善薄即糞之不宜妄種春必畦種水澆

春多風旱非畦不得

且畦者省地而菜多一畦供一口

畦長兩步廣一步

大則水難均又不用人足入

深

掘以熟糞對半和土覆其上令厚一寸鐵齒杷耬之令

熟足蹋使堅平下水令徹澤水盡下葵子又以熟糞和

土覆其上令厚一寸餘葵生三葉然後澆之

澆用晨夕日中便止

每一掐輒杷耬地令起下水加糞三掐更種一歲之中

凡得三輩

凡畦種之物治畦皆如種葵法不復條列煩文

早種者必秋耕十月

末地將凍散子勞之

一畝一升五月末散子亦得

人足踐踏之乃佳

踐者地釋即生鋤不厭數五月初更種之

春者既老秋葉落未生故

種此相接

六月一日種白莖秋葵

白莖者宜乾紫莖者乾即黑而澁

秋葵堪

食仍留五月種者取子

春葵子熟不均故須留中輩

於此時附地剪

却春葵冷根土芥生者柔輒至好仍供常食美於秋菜

搯秋菜必留五六葉

不搯則莖孤留葉多則科大

凡搯必待露解

諺曰

觸露不搯葵日中不搯韭

八月半翦去

留其歧多者則去地一二寸獨莖者亦可去地四五寸

芥生肥嫩比至收時高與人膝等莖葉皆美科雖不高

菜實倍多

其不剪早生者雖高數尺柯葉堅硬全不中食所可用者唯有葉心附葉黃澁至惡煮亦

不美看雖似多其實倍少

收待霜降

傷早黃爛傷晚黑澁

榜簇皆須陰中

見日亦澁

其碎者割訖即地中尋手糺之

待萎而亂者必爛

又種冬葵法近州郡都邑有市之處負郭良田三十畝

九月收菜後即耕至十月半令得三遍每耕即勞以鐵

齒杷耬去陳根使地極熟令如麻地於中逐長穿井十

口井必相當邪角則妨地地形狹長者井必作一行地形正方者作兩三行亦不嫌也井別作枯

棹轆轤井深用轆轤井淺用桔槔柳罐令受一石罐小用則功費十月末地

將凍漫散子唯概為佳畝用子六升散訖即再勞有雪勿令

從風飛去勞雪令地保澤葉又不蟲每雪輒一勞之若令冬無雪臘

月中汲井水普勞澆悉令徹澤有雪則不荒正月地澤驅踏

破地皮不踏即枯澗皮破即香潤春煖草生葵亦俱生三月初葉大



如錢逐概處拔大者賣生

十手拔乃禁取兒女子七歲已上皆得充事也

一升

葵還得一升米日日常投看稀稠得所乃止有草拔却

不得用鋤一畝得葵三載合收米九十車車准二十斛

為米一千八百石自四月八日以後日日翦賣其翦處

尋以手拌斫斷地令其起水澆糞覆之

四月亢旱不澆則不長有雨則

不須四月以前雖旱亦不須澆地實保澤雪勢未盡故也

比及翦徧初者還復周而

復始日日無窮至八月社日止留作秋菜九月指地賣

兩畝得絹一疋收訖即急耕依去年法勝作十頃穀田

止須一乘車牛專供此園

耕勞輦糞賣菜終歲不開

若糞不可得者

五六月中概種菜豆至七月八月犁掩殺之如以糞糞

田則良美與糞不殊又省功力

其井間之田犁不及者可作畦以種諸菜

崔寔曰正月可作種瓜瓠葵芥蘆大小葱蒜苜蓿及雜  
蒜亦種此二物皆不如秋六月六日可種葵中伏後可  
種冬葵九月作葵蒞乾葵

家政法曰正月種葵

蔓菁第十八

爾雅曰蒹葭從汪江東呼為蕪菁或為菰菰蒹音相近  
蒹則蕪菁字林曰豐蕪菁苗也乃齊魯云廣志云蕪菁  
有紫花者  
白花者

種不求多唯須良地故墟新糞壤牆垣乃佳

若無故墟糞者以灰

為糞令厚一寸灰多則燥不生也

一耕地欲熟七月初種之一畝用子

三升

從處暑至八月白露節皆得早者作蒹晚者作乾

漫散而勞種不用濕

濕則

地堅菜焦

既生不鋤九月末收葉

晚收則黃落

仍留根取子十月

中犂麤呼拾取耕出者

若不耕呼則留者莢不茂實不繁也

其葉作蒹者

料理如常法擬作乾菜及釀

八丈反蒹者

蒹蒹者後年正月始作耳須留

第一好菜擬之  
其法列後條

割訖則尋手擇治而辦之勿待萎

萎而後辦

則挂著屋下陰中風涼處勿令烟薰

烟薰則苦

燥則上在厨

積置以苦之

積時宜候天陰潤不爾多  
辟折久不積苦則澁也

春夏畦種供食

者與畦葵法同翦訖更種從春至秋得三輩常供好殖

取根者用大小麥底六月中種十月將凍耕出之

一畝得數

車早出  
者根細

又多種蕪菁法近市良田一頃七月初種之

六月

種者根雖粗大葉復蟲食七月末種者葉  
雖青潤根復細小七月初種根葉俱得

擬賣者純種

九英

九英葉根粗大雖堪舉賣氣  
味不美欲自食者須種細根

一頃取葉三十載正

月二月賣作釀菹三載得一奴收根依噐法一頃收二

百載二十載得一婢

細到和莖飼牛羊全擬乞猪并得充肥亞於大豆耳

一頃收

子二百石輸與壓油家三量成米此為收粟米六百石

亦勝谷田十頃是故漢桓帝詔曰橫水為災五穀不登

令所傷郡國皆種蕪菁以助民食然此可以度凶年救

饑饉乾而蒸食既甜且美自可藉口何必饑饉

若值凶年一頃

乃活百  
人耳

蒸乾蕪菁根法

作湯淨洗蕪菁根漉著一斛甕子中以葦葉塞甕裏以蔽口著釜上繫甕帶以

乾牛糞然火竟夜蒸之粗細約熟謹謹著牙真類鹿尾蒸而賣者則收米十石也

種菰蘆菰

蒲北反

法與蔓菁同

菰菜似蔓菁無毛而大方言曰蕪菁紫花者謂之蘆

菰案蘆菰根實粗大其角及根葉並可生食非蕪菁也

秋中賣銀十畝得錢一萬

廣志曰蘆菰一名電突

崔寔曰四月收蕪菁及芥苧蒔冬葵子六月中伏後七月可種蕪菁至十月可收也

種蒜第十九

說文曰蒜葷菜也博物志曰張騫使西域得大蒜胡荽延篤曰張騫大宛之蒜又有胡蒜澤蒜也

蒜宜良輓地

白輓地蒜甜美而科大黑輓次剛強之地辛辣而瘦小也

三遍熟耕九

月初種種法黃暘時以耬耩逐壠手下之五寸一株

諺曰

左右過鋤一萬餘株

空曳勞二月半鋤之令滿三遍

勿以無草則不鋤不鋤則

科條拳而軋之

不軋則獨科

葉黃鋒出則薅於屋下風涼之

處桁之

早出者皮赤料堅可以遠行晚則皮壞而善碎

冬寒取穀耨

奴勒反

布地

一行蒜

不爾則凍死

收條中子種者一年為獨薅種二年者

則成大蒜科皆如拳又逾於凡蒜矣

尾子壠底置獨薅蒜於瓦上以上覆

之蒜科橫闊而大形容殊別不足以為異今并州無大蒜朝歌取種一歲之後還成百子蒜矣其薅粗細正與條

中子同蕪菁根其大如杭口雖種他州子一年亦變大  
蒜瓣變小蕪菁根變大二事相反其理難推又八月中  
方得熟九月中始刈得花子至於五穀蔬果與餘州早  
晚不殊亦一異也并州豌豆變井陘已東山東穀子入  
索關上黨苗而無實皆余目所親  
見傳信傳疑蓋土地之異者也

種澤蒜法預耕地熟時採取子漫散勞之澤蒜可以香  
食吳人調鼎率多用此根葉作菹更勝葱韭此物繁息  
一種永生蔓延滋漫年稍廣闊區斷取隨子還合但種  
數畝用之無窮種者地熟美於野生

崔寔曰布穀鳴收小蒜六月七月可種小蒜八月可種



大蒜

種齏第二十

爾雅曰齏鴻薺  
注曰齏菜也

齏宜白軟良地三轉乃佳二月三月種

八月九月種亦得秋種者春末

生率七八支為一本

諺曰蔥三齏四移蔥者三支為一本種齏者四支為一科然支多者

科圓大故以七八為率

齏子三月葉青便出之

未青而出者肉未滿今齏瘦 燥

曝按去莖餘切却薑根

留薑根而濕者即瘦細不得肥也

先重耬耩地

壟燥培而種之

壟燥則齏肥耬重則白長

率一尺一本葉生即鋤鋤

不厭數

蠶性多穢  
荒則蠶惡

五月鋒八月初耩

不耩則  
白短

葉不用翦

翦則損白供  
常食者別種

九月十月出賣

經久不  
出也

擬種子至春地釋

即曝之

崔寔曰正月可種蠶韭芥七月別種蠶矣

### 種葱第二十一

廣志曰葱有冬春二種有胡  
蔥木蔥山蔥晉令曰有紫蔥

收蔥子必薄布陰乾勿令浥鬱

此葱性熱多喜浥  
鬱浥鬱則不生

其擬

種之地必須春種綠豆五月掩殺之比至七月耕數徧

一畝用子四五升

良田五升  
薄地四升

炒穀伴和之

葱子性澁不  
以穀和下不

均調不炒穀  
則草穢生

兩耬重耩窠瓠下之以批

蒲結反

契

蘇結反

繼

腰曳之七月納種至四月始鋤鋤遍乃剪剪與地平

高留

則無菜深  
剪則傷根

剪欲旦起避熱時良地三剪薄地再剪八月

止

不剪則不茂剪過則根跳若  
八月不止則葱無袍而損白

十二月盡掃去枯葉枯

袍

不去枯葉春  
葉則不茂

二月三月出之

良地二月出  
薄地三月出

収子者別

留之葱中亦種胡荽尋手供食乃至孟冬為菹亦不妨

崔寔曰二月別小葱六月別大葱七月可種大小葱

夏蔥

曰小冬  
蔥曰大

## 種韭第二十二

廣志曰弱韭長一尺出蜀漢王  
彪之關中賦曰蒲韭冬藏也

收韭子如蔥子法

若市上買韭子宜試之以銅錘盛水如於火上微煮韭子須臾芽生者好

芽不生者是澁鬱矣治畦下水糞覆悉與葵同然畦欲極深韭一剪一

加糞又根性上跳故須深也

二月七月種種法以升蓋合地為處布

子於園內

韭性內生不向外畏園種令科成

藉令常淨

韭性多穢數藉為良

高數

寸剪之

初種時止一剪

至正月掃去畦中陳葉凍解以鐵杷耬

起下水加熟糞韭高三寸便剪之剪如蔥法一歲之中

不過五剪

每剪杷糞下水加糞悉如初

收子者一剪則留之若旱種

者但無畦與水耳耙糞悉同一種永生

諺曰韭者懶人菜以其不須歲

植也聲類曰韭者久長也一種永生

崔寔曰正月上辛日掃除韭畦中枯葉七月藏韭菁

菁

出杞

### 種蜀芥薺薺芥子第二十三

吳氏本草云芥薺名水蘇一名勞耜

蜀芥莖臺取葉者皆七月半種地欲糞熟蜀芥一畝

用子

一升 莖臺一畝

用子四升

種法與蕪菁同既生亦不鋤之十月

收蕪菁訖時收蜀芥

中為鹹淡二道亦任為乾菜

莖臺足霜乃收

足不

霜即

種芥子及蜀芥莖臺取子者皆二三月好雨澤時

種

三物性不耐寒經冬則死故須春種

旱則畦種水澆五月熟而收子

莖臺

冬天草覆亦得取子又得生茹供食

崔寔曰六月大暑中伏後可收芥子七月八月可種芥

種胡荽第二十四

胡荽宜黑輓青沙良地三徧熟耕

樹陰下不得和豆處亦得

春種者

用秋耕地開春凍解地起有潤澤時急接澤種之種法

近市負郭田一畝用子二升故概種漸鋤取賣供生菜

也外舍無市之處一畝用子一升疎密正好六七月種

一畝用子一升先燥曬欲種時布子於堅地一升子與

一掬濕土和之以腳蹉令破作兩段

多種者以磚瓦蹉之亦得以木礮之

亦得子有兩人各著故不破兩段則疎密水澆而不生著土者令注入穀中則生疾而長速種時欲燥此菜非雨不生所以於旦暮潤時以耬耩作壟以手散子即不求濕下也

勞令平

春雨難期必須藉澤蹉跎失機則不得矣地正月

中凍解者時節既早雖浸芽不生但燥種之

不須浸子地若二月始解者歲月稍晚恐澤少不時生失歲計矣便於暖處籠盛胡荽子一日三度以水沃之

二三日則芽生於旦暮時投潤浸擲之數日悉出矣大體與種麻法相似假令十日二十日來出者亦勿怪之

尋自當出有草方令拔之

菜生二三寸鋤去概者供食及賣十月足

霜乃收之取子者仍畱根間

古寬反

拔令稀

概即不生

以草覆

上

覆者得供生食又不凍死

又五月子熟拔取曝乾

勿使令濕濕則沍鬱

格柯

打出作蒿蒿盛之冬日亦得入窖夏還出之但不濕亦

得五六年停一畝收十石都邑糶賣石堪一足絹若地



柔良不須重加耕墾者於子熟時好子稍有零落者然

後拔取直深細鋤地一遍勞令平六月連雨時櫓音呂生

者亦尋滿地省耕種之勞秋種者五月子熟拔去急耕

十餘日又一轉入六月又一轉令好調熟如麻地即於

六月中旱時耨耩作壟蹉子令破手散還勞令平一同

春法但既是旱種不須耨潤此菜旱種非連雨不生所

以不同春月要求濕下種後未遇連雨雖一月不生亦

勿怪麥底地亦得種止須急耕調雖名秋種會在六月

六月中無不霖望連雨生則根彊科大七月種者雨多亦得雨少則生不盡但根細科小不同六月種者便十倍失矣大都不用觸地濕入中生高數寸鋤去穢者供食及賣作菹者十月足霜乃收之一畝兩載載直絹三尺若留冬中食者以草覆之尚得竟冬中食其春種小小供食者自可畦種畦種者一如葵法若種者按生子令中破籠盛一日再度以水沃之令生芽然後種之再宿即生矣

重用箔蓋夜則去之晝不蓋熱不生夜不去蟲穢之

凡種菜子難生者

皆水沃令芽生無不即生矣

作胡荽菹法湯中漂出之著大甕中以煖蓋經宿水浸之明日汲水淨洗出別器中以鹽酢浸之香美不苦亦可洗訖作粥津麥粳味如釀芥菹法亦有一種味作裹菹者亦須漂去苦汁然後乃用之矣

### 種蘭香第二十五

蘭香者羅勒也中國為石勒諱故改今人因以名焉且蘭香之目美於羅勒之名故即而用之韋弘賦叙曰羅勒者生崑崙之丘出西蠻之俗案今世大葉而肥者名朝蘭香矣

三月中候棗葉始生乃種蘭香

早種者徒費子耳天寒不生

治畦下

水一同葵法及水散子訖水盡徒熟糞僅得蓋子便止

厚則不生弱苗故也

晝日箔蓋夜即去之

晝日不用見日夜須受露氣

生即去

箔常令足水六月連雨拔栽之

指心著泥中亦活

作殖及乾者

九月收

晚即乾惡

作乾者大晴時薄地刈取布地曝之乾乃

採取末甕中盛須則取用

拭頭懸者裏爛又有雀糞塵土之患也

取子者

十月收

自餘雜香菜不列者種法悉與此同

博物志曰燒馬蹄羊角成灰春散著濕地羅勒乃生

# 荏蓼第二十六

紫蘇薑芥薰葉與荏同時宜畦種爾雅曰蒿虞兼注云虞菜澤蓼也蘇桂荏蘇生類故名桂荏也

三月可種荏蓼

荏子白者良黃者不美

荏性甚易生蓼尤宜水畦

種也荏則隨宜園畔漫擲便歲歲自生矣荏子秋末成

可收蓬於醬中藏之

蓬荏角也實成則惡

其多種者如種穀法

雀甚

嗜之必須近

人家種矣

收子壓取油可以煮餅

荏油色綠可愛其氣香美煮餅亞胡

麻油而勝麻子脂膏麻子脂膏並有腥氣然荏油不可為澤焦人髮研為羹臠美於麻子遠矣又可以為燭良地十石多種博谷則倍收於諸田不同也為帛煎油彌佳

荏油性淳塗帛勝麻油

蓼作

苴者長二寸則剪絹袋盛沈於醬甕中又長更剪常得

嫩者

若待秋子成而落莖既堅硬葉又枯燥也

取子者候實成速收之

性易凋零

晚則

五月六月中蓼可為齏以食莧

落盡

崔寔曰正月可種蓼

家政法曰三月可種蓼

### 種薑第二十七

宇林曰薑御濕

之菜此音紫

薑宜白沙地少與糞和熟耕如麻地不厭熟縱橫七徧

尤善三月種之先種耬耩尋壟下薑一尺一科令上土厚三寸數鋤之六月作葦屋覆之不耐寒熱故九月掘出置屋中中國土不宜薑僅可存活勢不滋息種者聊擬藥物小小耳

崔寔曰三月清明節後十日封生薑至四月立夏後蠶大食芽生可種之九月藏此薑叢荷其歲若溫皆待十

月生薑謂之此薑

博物志曰妊娠不可食薑令子盈脂

藁荷片蘆第二十八

說文曰藁荷一名藁蘆搜神記曰藁荷或謂嘉草爾雅曰片楚葵也詩義疏曰蘆苦葵青州謂之苞

藁荷宜在樹陰下二月種之一種永生亦不須鋤微須

加糞以土覆其上八月初踏其苗令死

不踏則根不滋潤

九月

中取旁生根為菹亦可醬中藏之十月終以穀麥種覆

之

不覆則凍死

二月掃去之

食經藏藁荷法

藁荷一石洗漬以苦酒六斗盛銅盆中著火上使小沸以藁荷稍稍投之小藁

便出著席上令冷下苦酒三斗以三升鹽著中乾梅三升使藁荷一鹽酢澆上綿覆罌口二十日便可食矣



葛洪方曰人得蠱欲知姓名者取蓂荷葉著病人卧蓆下立呼蠱主名也

芹蘆並收根畦種之常令足水尤忌潘泔及鹹水澆之則死性並易繁茂而甜脆勝野生者

白蘆尤宜糞歲常可收

馬芹子可以調蒜齏

莖及胡蔥子熟時收又冬初畦種之開春早得美於野生惟概為良尤宜熟糞

# 種苜蓿第二十九

漢書西域傳曰罽賓有苜蓿大宛馬武帝時得其馬漢使採苜蓿種歸陸機與弟書曰張騫使外國十八年得苜蓿歸西京雜記曰樂游苑自生玫瑰樹下多苜蓿苜蓿一名懷風時人或謂先風先風在其間肅然自照其花有光采故名苜蓿懷風茂陵人謂之連枝草

地宜良熟七月種之畦種水澆一如韭法早種者重耬耩地使壟深闊竅瓠下子批契曳之每至正月燒去枯葉地液輒耕壟以鐵齒鋤耨耨之更以魯斫斷其科土則滋茂矣不爾則瘦一年則三刈留子者一刈則止春初

既中生噉為羹甚香長宜飼馬尤嗜此物長生種者一  
勞永逸都邑負郭所宜種之

崔寔曰七月八月可種苜蓿

雜說第三十

崔寔四民月令曰正旦各上椒酒於其家長稱觴舉壽  
欣欣如也上除若十五日合諸膏小草續命丸散法藥  
農事未起命成童以上入大學五經

謂十五以上至二十也

硯水

釋命幼童入小學篇章

謂九歲以上十四以下衍篇章謂六甲九九急就三倉之屬

# 命女工趨織布典饋釀春酒

## 染潢及治書法

凡打紙欲生則堅厚特宜入潢凡潢紙減白便是不宜太深深則年久色闇也

人浸藥熟即棄滓直用純汁費而無益藥熟後漉滓擣而煮之布囊壓訖復擣煮之三擣二煮添和純汁者省功倍又彌明淨寫書經夏然後入潢縫不綻解其新寫者須以熨斗縫縫熨而潢之不爾入則零落豆黃大不宜裏裏則全不入潢矣凡開卷讀書卷頭首紙不宜急卷急則破折折則裂以書帶上下絡首紙者無不裂壞卷一兩張後乃以書帶上下絡之者穩而不壞卷書勿用葛帶而引之匪直常濕損卷又損首紙今穴當御竹引之書帶勿太急急則令書腰折騎幕書上過者亦令書腰折書有殘裂斷方紙而補者率皆學廠瘡硬厚癩痕於書有裂薄紙如蠶葉以補纖微相入殆無際會自非向明舉而看之略不覺補裂若屈曲者還須於正紙上逐

屈曲形勢裂取而補之若不先正元理隨宜裂科紙者則今書卷縮凡點書記事多用緋縫增體硬強費人齒力愈汚染書又多零落若用紅紙者匪直明淨無染又紙性相親久而不落

## 雌黃治書法

先於青硬石上水磨雌黃令熟曝乾更於磁碗中研令極熱曝乾又於磁碗中研令

極熟乃融膠清和於鐵杵臼中熟搗丸如墨丸陰乾以水研而治書永不剝落若於碗中和用之者膠清雖多久亦剝落凡雌黃治書待潢訖治者佳先治入潢則動書厨中欲得安麝香木瓜令蠹蟲不生五月濕熱蠹蟲將生書經夏不舒展者必生蟲也五月十五日以後七月二十日以前必須三度舒而卷之須要晴時於大屋下風涼處不見日處曝書令書色暍熱卷生蟲彌速陰雨潤氣尤須避之慎書如此則數百年矣

二月順陽習射以備不虞春分中雷乃發聲先後各五

日寢別內外

有不戒者生子不備

蠶事未起命縫人浣冬衣徹複

為袷其有羸帛遂供秋服

凡浣故帛用灰汁則色黃而且脆擣小豆為末下絹襪投

湯中以洗之潔白

而柔肋勝阜莢矣

可糴粟黍大小豆麻麥子等收薪炭

炭聚之下碎末勿令棄之擣窰煮泔米泔澆之更擣令

熟丸如雞子曝乾以供籠爐種火之用輒得達曙堅實

耐久踰漱素鈎

生衣絹法

以水浸絹令浸一日數度迴轉之六七日水微臭然後拍

出柔肋潔白

大勝用灰

上犢車蓬輦及糊屏風書裘令不生蟲法

水浸石灰經一宿浥取汁

以和豆黏紙寫書入漬則墨矣

作假蠟燭法

蒲熟時多收蒲臺則肥松大如指以為心燭布纏之融牛羊脂灌於蒲臺中宛轉於

板上按令圓平更灌之足得供事其省功十倍也

三月三日及上除採艾及柳絮

絮止瘡痛

是月也冬穀或盡

樵麥未熟乃順陽布德振贍窮乏務施九族自親者始無或蘊財忍人之窮無或利名罄家繼富度入為出處厥中焉蠶農尚閑可利溝瀆葺治墻屋修門戶警設守備以禦春饑草竊之寇是月盡夏至煖氣將盛日烈暎燥利用漆油作諸日煎藥可糴黍買布四月鹵既入簇

趨綵剖線具機杼敬經絡草茂可燒灰是月也可作棄  
蛹以禦賓客可糴麵及大麥粳絮

五月芒種節後陽氣始虧陰慝將萌煖氣始盛蠱蠹並  
興乃弛角弓弩解其徽絃張竹木弓弩弛其絃以灰藏  
旃裘毛毳之物及箭羽以竿挂油衣勿辟藏暑濕相  
暑也是

月五日合止痢黃連圓霍亂圓採蔥耳取蟾蜍以合血  
疽瘡藥

及東行螻蛄螻蛄有利治去刺療  
產婦難生衣不出霖雨將降儲米穀薪

炭以備道路陷滯不通是月也陰陽爭血氣散夏至先



後各十五日薄滋味勿多食肥醲距立秋無食煮餅及

水引餅

夏月食水時此二餅得水即堅強難消不幸便為宿食傷寒病矣試以此二餅置水中即可驗

唯酒引餅入水即爛矣

可糴大小豆胡麻糴糴大小麥收弊絮及

布帛至後糴穀晒曝乾置甕中密封

使不蟲生

至冬可養馬

六月命女工織縑練

絹及紗穀之屬

可燒灰染青紺雜色七月

四日命置麴室具箔搥取淨艾六月饌治五穀磨具七

日遂作麴及曝經書與衣作乾糗採蔥耳處暑中向秋

節浣故製新作袷薄以備始涼糴大小麥豆收縑練

八月暑退命幼童入小學如正月焉涼風戒寒趣練縑

帛染綵色

河東染御黃法確搗地黃根令熟灰汁和之攪令勻指取汁別器盛更搗滓使極熟又以

灰汁和之如薄粥瀉入不渝釜中煮生絹數迴轉使勻舉看有盛水袋子便是絹熟杼出著釜中尋煇舒張少時拔出淨振去滓曬極乾以別絹濾白淳汁和熟杼出更就盆染之急舒展令均汁冷拔之出曝乾則成矣治釜不渝法在醴酪條中大率三升地黃染得一疋御黃地黃多則好炸紫桑蘄蒿及等物皆得用之

擘絲治絮製新浣故及韋履賤好預買以備冬寒刈萑  
葦芻茭涼燥可上弓弩繕理檠鋤正縛鎧絃遂以習射  
弛竹木弓弧糴種麥糴黍

九月治場圃塗圉倉修竇害繕五兵習戰射以備寒凍  
窮厄之寇存問九族孤寡老病不能自存者分厚徹重  
以救其寒

十月培築垣牆塞向瑾戶

北出牖  
謂之向

上辛命典饋漬麴釀

冬酒作脯腊農事畢令成童入太學如正月焉五穀既  
登家儲畜積乃順時令勅喪紀同宗有貧窶久喪不堪  
葬者則糾合宗人共與舉之以親疎貧富為差正心平  
飲無相踰越先自竭以率不隨先水凍作涼飭煮曝飴

可拆麻緝績布縷作白履不借

草履之賤者曰不借

賣縑帛弊絮

糴粟豆麻子

冬十一月陰陽爭血氣散冬至日先後各五日寢別內外硯水凍命幼童讀孝經論語篇章入小學可釀醢糴  
杭稻粟豆麻子

十二月請召宗族婚姻賓旅講好和禮以篤恩紀休農  
息役惠必下浹遂合耦田器養耕牛選任田者以俟農

事之起去豬盍車骨

後三歲可合瘡膏藥

及臘日祀灸蓬

蓬一作  
蔗燒飲

治刺入肉中及樹瓜  
田中四角去蟲蟲

東門磔白雞頭

可以合  
法藥

范子計然曰五穀者萬民之命國之重寶故無道之君  
及無道之民不能積其盛有餘之時以待其衰不足也

孟子曰狗彘食人之食而不知檢塗有餓莩而不知發

言豐年人君養犬豕使食人食不知法度檢制凶歲道  
路之傍人有餓死者不知發倉廩以賑之原孟子之意  
蓋常平倉  
之濫觴也人死則曰非我也歲也是何異於刺人而殺

之曰非我也兵也

人死為餓死  
王政使然

凡糴五穀菜子皆須初熟日糴將種時糴收利必倍凡

冬糴豆穀至夏秋初雨潦之時糴之價亦倍矣蓋自然之數

魯秋胡曰力田不如逢年豐者尤宜多糴

史記貨殖傳曰宣曲任氏為督道倉吏秦之敗豪傑皆爭取金玉任氏獨害倉粟楚漢相拒滎陽民不得耕米石至萬而豪傑金玉盡歸任氏任氏以此起富其効也且風蟲水旱饑饉薦臻十年之內儉居四五安可不預備凶災也

師曠占五穀貴賤法常以十月朔日占春糴貴賤風從東來春賤逆此者貴以四月朔占秋糴風從南來西來者秋皆賤逆此者貴以正月朔占夏糴風從南來東來者皆賤逆此者貴

師曠占五穀曰正月甲戌日大風東來折樹者穀熟甲寅日大風西北來者貴庚寅日風從西來者皆貴二月甲戌日風從南來者稻熟乙卯日不雨清明稻上場不熟四月四日雨稻熟日月珥天下喜十五日十六日雨

晚稻善日月蝕

師曠占五穀早晚曰粟米常以九月為本若貴賤不時以最賤所之月為本粟以秋得本貴在來夏以冬得本貴在來秋此收穀遠近之期也早晚以其時差之粟米春夏貴去年秋冬什七到夏復貴秋冬什九者是陽道之極也急糶之勿留留則太賤也

黃帝問師曠曰欲知牛馬貴賤秋葵下有小葵生牛貴大葵不蟲牛馬賤



越絕書曰越王問范子曰今寡人欲保穀為奈何范子  
曰欲保穀必觀於野視諸侯所多少為備越王曰所少  
可得為困其貴賤亦有應乎范子曰夫知穀貴賤之法  
必察天之三表即決矣越王曰請問三表范子曰水之  
勢勝金陰氣蓄積大盛水據金而死故金中有水如此  
者歲大敗八穀皆貴金之勢勝木陽氣蓄積大勝金據  
木而死故木中有火如此者歲大美八穀皆賤金木水  
火更相勝此天之三表也不可不察能知三表可以為

邦寶越王又問曰寡人已聞陰陽之事穀之貴賤可得聞乎答曰陽主貴陰主賤故當寒不寒穀暴貴當溫不溫穀暴賤王曰善書帛致於枕中以為國寶

范子曰堯舜禹湯皆有預見之明雖有凶年而民不窮王曰善以丹書帛致之枕中以為國寶

鹽鐵論曰桃李實多者來年為之穰

物理論曰正月望夜占陰陽陽長即旱陰長即水立表以測其長短審其水旱表長二尺月影長二尺以其大

旱二尺五寸至三尺小旱三尺五寸至四尺調適高下  
皆熟四尺五寸至五尺小水五尺五寸至六尺大水月  
影所極則正面也立表中正乃得其定又曰正月朔旦  
四面有黃氣其歲大豐此黃帝用事土氣黃均四方並  
熟有青氣雜黃有螟蟲赤氣大旱黑氣大水正朔占歲  
星上有青氣宜桑赤氣宜豆黃氣宜稻

史記天官書曰正月旦決八風風從南方來大旱西南

小旱西方有兵西北戎菽為

戎菽胡豆也為成也

趣兵北方為中

歲東北為上歲東方大水東南民有疾疫歲惡正月上  
甲風從東方來宜蠶從西方若旦黃雲惡

師曠占曰黃帝問曰吾欲苦樂善一心可知不對曰歲  
欲甘甘草先生薺歲欲苦苦草先生葶藶歲欲雨雨草  
先生藕歲欲旱旱草先生蒺藜歲欲荒荒草先生蓬歲  
欲病病草先生艾

齊民要術卷三

齊民要術卷四

後魏 賈思勰 撰

園籬第三十一

栽樹第三十二

種棗第三十三

諸法  
附出

種桃第三十四

種李第三十五

種梅杏第三十六

杏李數  
附出

種梨第三十七

種栗第三十八

柰林檎第三十九

種柿第四十

安石榴第四十一

種木瓜第四十二

種椒第四十三

種茱萸第四十四

園籬第三十一

凡作園籬法於牆基之所方整深耕凡耕作三壟中間  
相去各二尺秋上酸棗熟時收於壟中概種之至明年  
秋生高三尺許間斷去惡者相去一尺留一根必須稀  
概均調行五條直相明當至明年春剝去橫枝剝必留  
距若不留距侵皮痕大逢寒即死剝訖即編為巴籬隨宜夾剝務使舒  
緩急則不復得長故也又至明年春更剝其末又編之高七尺便

足

欲高作者亦任人意

匪直姦人慙笑而返狐狼亦息望而迴行

人見者莫不嗟嘆不覺白日西移遂忘前途尚遠盤桓  
瞻矚久而不能去枳棘之籬折柳樊園斯其義也其種  
柳作之者一尺一樹初時斜插插時即編其種榆莢者  
一同酸棗如其栽榆與柳斜直高與人等然後編之數  
年長成共相蹙迫交柯錯葉特似房櫳既圖龍蛇之形  
復寫鳥獸之狀緣勢嶽峙其貌非一若值巧人隨便採  
用則無事不成尤宜作杙其盤紆第鬱奇文互起紫布



錦繡萬變不窮

栽樹第三十二

凡栽一切樹木欲記其陰陽不令轉易

陰陽易位則難生小小栽者不

須記也

大樹髡之

不髡風搖則死

小則不髡先為深坑內樹訖以

水沃之著土令如薄泥東西南北搖之良久

搖則泥入根間無不

活者不搖根虛多死

然後下土堅築

近上二寸不築取其柔潤也

時時

其小樹則不須爾

灌溉常令潤澤

每澆水盡即以燥土覆之覆則保澤不覆則乾涸

埋之欲深勿

令撓動凡栽樹訖皆不用手捉及六畜觸突

戰國策曰大柳縱橫

顛倒樹之皆生十人樹  
之一人搖之則無生矣  
凡栽樹正月為上時

諺曰正月可栽樹言

得時易生也

二月為中時三月為下時  
棗雞口槐兔目桑蝦

蟄眼榆負瘤散自餘雜木鼠耳蚩翅各其時

此等名目皆是葉生

形容之所象似以此時栽種者葉皆即生早  
栽者葉晚出雖然寧大早為佳不可晚也

樹大率種

數既多不可一一備舉凡不見者栽時之法皆求之此

條

淮南子曰夫移樹者失其陰陽之性則莫不枯槁

高誘曰失

猶易

丈子曰冬冰可折夏木可結時難得而易失木方盛雖日採之而復生秋風下霜一夕而零

非時有功難立

崔寔曰正月自朔暨晦可移諸樹竹漆桐梓松柏雜木唯有果實者及望而止過十五日則果少實

食經曰種名果法三月上旬斫好直枝如大母指長五尺內著芋魁種之無芋大蕪菁根亦可用勝種核核三四年乃如此大耳可得行種

凡五果花盛時遭霜則無子常預於園中往往貯惡草

生糞天雨新晴北風寒切是夜必霜此時放火作煨少得烟氣則免於霜矣

崔氏曰正月盡二月可剝樹枝二月盡三月可掩樹枝埋樹枝土中令生二歲以上可移植矣

### 種棗第三十三

爾雅曰棗壹棗邊要棗橈白棗槭酸棗揚微齊棗遵羊棗洗大煮填棗蹶泄苦棗皆無實棗還味檢棗郭璞注曰今江東呼棗大而銳上者為壹壹猶瓠也要細腰今之謂鹿盧棗橈即今棗子白熟槭樹小實昨孟子曰養其槭棘遵實小而且圓紫黑色俗呼羊矢棗孟子曰曾皙嗜羊棗洗今河東猗氏縣出大棗子如雞卵蹶泄子

味苦暫不著子者選味短味也填未詳廣志曰河東安邑棗東郡谷城紫棗長二寸西王母棗大如李核一月熟安平信都大棗梁國夫人棗大白棗小核多肥三星棗又有狗牙雞心牛頭羊矢細腰之名又有棗木棗崎廉棗鄣中記曰石虎苑中有西王母棗冬夏有葉九月生花十一月乃熟三子一赤又有羊角棗亦三子一赤把朴子曰兗山有歷東吳氏本草曰大棗者名良棗西京雜記曰弱枝棗玉門棗丹棗王母棗青花棗赤心棗案青州有樂氏棗肌細核多膏肥美為天下第一父老相傳云樂毅破齊時從燕來齊所種也

常選好味者留栽之候棗葉始生而移之

棗性硬故主晚栽早者堅

格生

三步一樹行欲相當

地不耕也

欲令牛馬覆踐令淨

棗性

堅強不宜苗稼是以耕荒穢則蟲生所以須淨地堅銳故宜踐也

正月一日日出時反

斧班駁椎之名嫁棗

不椎則花無實  
子萎而落也

候大蠶入簇以杖

擊其枝間振落狂花

不打花繁  
不實不成

全赤即收收法日日撼

落之為上

半赤而收者肉未充滿乾則黃色而皮皺將  
赤味亦不佳久不收則皮破復有鳥啄之

曬棗法先治地令淨布椽於箔下置棗於箔上以椽聚

而復散之一日中二十度乃佳夜仍不聚

得霜露氣乾  
速成陰雨之

時乃聚  
而苦之

五六日後別擇取紅軟上高厨上曝之

厨上者  
已乾雖

厚一尺  
亦不壞

擇去胖爛者其未乾者曝曬如法其阜勞之地

不任耕稼者歷落種棗則任矣

東性  
燥故

凡五果及桑正月

一日雞鳴時把火遍照其下則無蟲災

食經曰作乾棗法新將露於庭以棗著上厚二寸復以新蔣覆之凡三日三夜撤覆露之畢日曝取乾入屋中率一石以酒一升漱著器中密泥之經數年不敗也棗油法鄭玄曰棗油擣棗實和以塗繒上燥而形似油也乃成之

棗脯法切棗曝之乾如脯也

雜五行書曰舍南種棗九株辟縣官宜蠶桑服棗核中

人二七枚辟病疾能常服棗核中人及其刺百邪不復干矣

種楸棗法

陰地種之陽中則少實足霜色殷然後乃收之早收者澁不任食之也

說文云櫟棗也似柿而小

作酸棗麴法

急收紅軟者箔上日曝令乾大釜中煮之水僅自淹一沸即漉出盆研之生布絞取

濃汁塗盤上或盆中盛水暑曝使乾漸以手摩淨取為末以方寸匕投一椀水中酸甜味足即成好醬遠行用和米麴饒渴俱當也

種桃第三十四



爾雅曰旄冬桃梳桃山桃郭璞注曰旄桃子冬熟山桃實如桃而不解核廣志曰桃有冬桃秋白桃裏桃其桃美也有秋赤桃廣雅曰抵子者胡也本草經曰桃梟在樹不落殺百鬼鄴中記曰石虎苑中有句鼻桃重二斤西京雜記曰核桃櫻桃緇桃霜桃言霜下可食金城桃胡桃出西域甘美可食綺帶桃合桃紫文桃

# 桃柰桃欲種法熟時合肉全埋糞地中

直置凡地則不生生亦不茂桃

惟早實三歲便結子故不求穀也

## 至春既生移栽實地

若仍糞中則實小而味苦矣

## 栽法以鋤合土掘移之

桃性易種難栽若離本土率多死故須然矣

## 又法

熟桃

時牆南陽中煖處深寬為坑選取好桃數十枚擘取核即內牛糞中頭向上取好爛和土厚覆之令厚尺餘至春桃始動時徐徐掘去糞土皆因生芽合取核種之萬不失一其餘以熟糞糞之則益桃味

## 桃性皮

急四年以上宜以刀豎剝其皮

不剝者皮急則死

七八年便老

老則子細

十年則死

是以宜歲歲常種之

桃酢法桃爛自零者收去內

之於甕中以物蓋口七日之後既爛漉去皮核密封閉之三日酢成香美可食

術曰東方種桃九根宜子孫除凶禍明桃柰桃種亦同

櫻桃

爾雅曰楔荆桃郭璞注曰今櫻桃廣雅曰楔桃大者如彈九子有長八分者有白色者凡三種禮記

曰仲夏之月天子羞以含桃鄭玄注曰今謂之櫻桃博物志曰櫻桃者一名羊桃一名英桃

二月初山中反栽陽中者還種陽地陰中者還種陰地

若陰陽易地則難生生亦不實此果性生陰地既入園  
園便是陽中故多難得生宜堅實之地不可用虛糞也

葡萄

漢武帝使張騫至大宛取葡萄實於離宮別館旁  
盡種之西域有葡萄蔓延並似蔓廣志曰葡萄有

黃白黑三種者也

蔓延性緣不能自舉作架以承之葉密陰厚

可以避熱

十月中去根一步許掘作坑收卷葡萄悉埋  
之近枝莖薄安泰穰彌佳無穰直安土亦得

不宜濕濕則水凍二月中還出舒而上架性不奈寒不  
埋即死其歲久根莖粗大者宜速根作坑勿令莖折其  
坑外處亦掘土並穰培覆之

摘葡萄法

逐熟者一一零疊一作摘取從本至末  
悉皆無遺世人全房折殺者什不收一

作乾葡萄法

極熟者一一零壓摘取刀子切去蒂勿令  
汁出蜜兩分和内葡萄中煮四五沸漉出

陰乾便成矣非直滋味倍勝又得夏暑不敗壞也

# 藏葡萄法

極熟時全房折取於屋下作厖坑坑內近地鑿壁為孔挿枝於孔中選葉孔使堅屋子置

土覆之經冬不異也

## 種李第三十五

爾雅曰休無實李瘞接慮李剝赤李廣志曰赤李麥李細小有溝道有黃建李青皮李馬肝李赤陵李有離李肥黏似糕有奈李離核李似奈有劈裂有經李一名老李其樹數年即枯有杏李味小酸似杏有黃扁李有夏李冬李十一月熟有春李李冬花春熟荊州土地記曰房陵南郡有名李風土記曰南郡細李四月先熟西晉傳玄賦曰河沂黃建房陵縹青西京雜記曰有朱李黃李紫李綠李青李綺李青房草下李顏回李出魯合校

李羌李燕李今世有木李實絕大而美又有中植李在  
麥穀前而熟者李欲栽李性堅實脫五歲者始子是以  
藉栽枝者三  
歲便結子也

李性耐久樹得三十年老雖枝枯子亦不細嫁李法正  
月一日或十五日以磚著李樹岐中令實繁

又法

臘月中以杖微打岐間正月時日復打之亦足子也

又法

以煮醴酪火捺著樹枝間亦良樹寒實多者故多束之以取大焉

李樹桃樹下並

欲鋤去草穢而不用耕墾

耕則肥而無衍實樹下卑撥即死之

桃李大率

方兩步一根

大概連陰則子細而味亦不佳管子曰三沃之土其木宜梅李韓詩外傳云簡王曰

春樹桃李夏得陰其下秋得食其實春種蒺藜夏不得採其實秋得刺焉家政法曰二月從梅李也

作白李法

仲夏李色黃便摘取於鹽中按之鹽入汁出然後合鹽曬令姜手捻之令褊復曬更捻極

褊乃止曝乾飲酒時以湯洗之漉著蜜中可下酒矣

## 種梅杏第三十六

爾雅曰梅柟時英梅郭璞注曰梅似杏實醋英梅未聞廣志曰蜀名梅為梅大如鴈子梅杏皆可以為油脯黃梅以熟梅作之詩義疏云梅杏類也樹及葉皆如杏而黑耳實赤於杏而醋亦生噉也煮而曝乾為蘇置羹臠薑中又可含以香口亦蜜藏而食西京雜記曰候梅朱梅同心梅紫蒂梅燕脂梅麗枝梅案梅花早而白杏花晚而紅梅實小而酸核有細文杏實大而甜核無文采白梅任調食及薑杏則不任此用世人或不能辨言梅

杏為一物失之遠矣廣志曰榮陽白李鄴中有赤杏有黃杏有有李杏西京雜記曰文杏材有文彩蓬萊杏是仙人所食杏也

## 栽種與桃李同

### 作白梅法

梅子酸核初成時摘取夜以鹽汁漬之晝則日曝凡作十宿十浸十曝便成調鼎和齋所

在多任也

### 作烏梅法

亦以梅子核初成時摘取籠盛於突上薰之令乾即成矣烏梅入藥不任調食也

### 食經曰蜀中藏梅法

取梅極大者剝皮陰乾勿令得風經二宿去鹽汁內蜜中月許更易

蜜經年如新也

作杏李妙法

杏李熟時多取爛者盆中研之生布絞取濃汁塗盤中日曝乾以手摩刮取之可和

水漿及和米粉

所在入意也

作烏梅欲令不蠹法

濃燒糠以湯沃之取汁以梅投之使澤乃出蒸之以

釋名曰杏可以為油

神仙傳曰

董奉居廬山不交人為入治病不取錢重病得愈使種杏五株輕病為栽一株數年之中

杏有十數萬株鬱鬱然成林其杏子熟於林中所在作倉宣語買杏者不須求粟但自取之具一器穀便得一

器杏有人少穀往而取杏多者即有五虎逐之此人怖虎檐領覆所餘在器中如向所扶持穀多少虎乃逐去

自是以後買杏者皆於林中自平量恐有多出奉悉以前所得穀賑救貧乏尋陽記曰杏在北嶺上數百株今



猶稱量

先生杏

杏子人可以為粥

多收買者可以供紙墨之直也

### 種梨第三十七

廣志曰洛陽北邙張公夏梨海內唯有一樹常山真定山陽鉅野梁國睢陽齊國臨菑鉅鹿並出梨上黨棹梨小而加甘廣都梨又云鉅鹿豪梨重六斤數人分食之新豐晉谷梨弘農京兆又扶風郡界諸谷中梨多供御陽城秋梨夏梨三秦記曰漢武東園一名御宿有大梨如斗落地即破取者以布囊盛之名曰含消梨荊州土地記曰江陵有石梨永嘉青田村民家有一梨樹名曰官梨子大一圓五寸常以貢獻名曰御梨實落地即融釋西京雜記曰紫梨芳梨實小青梨實大大容梨細葉梨瀚海梨出瀚海地耐寒不枯

種者梨熟時全埋之經年至春地釋分栽之多著熟糞及水至冬葉落附地刈殺之以炭火燒頭二年即結子若櫓生及種而不栽者著子遲每梨有十許唯二子生梨餘皆生杜插者彌疾插法用棠杜棠梨大而細理杜次棠梨大惡棠石榴上插得者為上梨雖治十收得一二也

杜如臂已上皆任插當先種杜經年後插之至冬俱下亦得然俱下者地死則不生也

杜樹大者插五枝小者或二梨葉微動為上時將欲開芽為下時先作麻紉支珍反纏十許匝一鋸截杜令去地

五六寸斜攢竹刺皮木之際令深一寸許折取其美梨

枝陽中者陰中枝則實少長五六寸亦斜截之令過心

大小長短與籤等以刀剉梨枝斜截之際剝去黑皮勿令

傷青皮青皮傷即死

拔去竹籤即插梨令至剉處木邊向木皮還

近皮插訖以綿幕杜頭封熟泥於上以土培覆之勿令

堅固百不失一

梨枝甚肥培土時宜慎之勿使掌護掌護則折

其十字破杜者十不收一

所以然者梨皮開虛燥故也

梨既生杜旁有葉出輒去之

不去勢分梨長必遲

凡插梨園中者用旁枝庭前者中心

旁拔樹下上易收中心聳不妨

用

根蒂小枝樹形可喜五年方結子鳩脚老枝三年即結

子而樹醜

吳氏本草曰金創乳婦不可食梨多食則損人非補益之物產婦蓐中及疾病未愈食梨

多者無不致病欬逆

氣上者尤宜慎之

凡遠道取梨者下根即燒三四寸亦可行數百步猶生

藏梨法初霜後即收

霜多即不得經脫夏也

於屋下掘作深陰坑

底無令潤濕收梨置中不須覆蓋便得經夏

摘時必令好接勿令

傷損

凡醋梨易水熟煮則甘美而不損人也

# 種栗第三十八

廣志曰關中大栗如雞子大蔡伯喈曰有胡栗魏志云有東夷韓國山大栗狀如梨三秦記曰漢武帝栗園有栗十五顆一升王逸曰朔濱之栗西京雜記曰榛栗塊栗嶧陽栗嶧陽都尉曹龍所獻其大如拳

栗種而不栽

栽者雖生尋死矣

栗初熟出殼即裹埋著濕土中

埋必須深勿令凍徹若路遠者以韋囊盛之見風日則不復生矣

至春三月悉芽生出

而種之既生數年不用掌近

凡新栽之樹皆不用掌近栗性尤甚也

三年

內每到十月常須草裹至二月乃解

不裹則還死大戴禮夏小正曰八月

零而後取之故不言割之

食經藏乾栗法

取穰灰淋取汁漬栗日出曬令栗肉焦燥不畏虫得至後年春夏

藏生栗法

著器中細沙可煨以盆覆之至後年二月皆生芽而不虫者也

榛

周官曰榛似栗而小說文曰榛似梓實如小栗衛詩曰山有榛詩義疏云栗屬或所謂從木有兩種其一

種大小枝皆如栗其子形似杼子芽亦如栗所謂樹之  
榛栗者其一種枝莖如木蓼葉如牛李色生高丈餘其  
核中悉如棄作胡桃味膏又美亦可食嗽漁  
陽遼上黨皆饒其枝莖生樵藝燭明而烟

栽種與栗同

柰林檎第三十九

廣志曰檇掩莖柰也又曰柰有白青赤三種張掖有柰  
酒泉有赤柰西方例多柰家以為脯數十百斛以蓄積

如收藏棗栗魏明帝時諸王朝夜賜東城柰一區陳思王謝曰柰以夏熟今則冬生物非時為珍思以須為厚詔曰此柰從涼州來晉宮閣簿曰秋有白柰西京雜記曰紫柰別有素柰朱柰廣志曰理琴以赤柰

柰林檎不種但栽之

種之雖生而味不佳

取栽如壓桑法又法栽

如桃李法林檎樹以正月二月中斲斧班駮椎之則饒子

作柰妙法

拾爛柰肉兌盆合勿令風入六七日許當大爛以酒淹病秤之令如粥狀下水更秤以羅

漉去受子良久澄清瀉去汁更下水復秤如初看無臭氣乃止瀉去汁置布於上以灰飲汁如作米粉法汁盡刀剉大如梳掌於日中曝乾研作末便甜酸得所芳香非常也

# 作林檎妙法

林檎赤熟時擘破去子心蒂日曬令乾或磨或搗下細絹篩麤者更磨搗以細盡為

限以方寸匕投於碗中即成美漿不去蒂則大苦合子則不度夏留心則大酸若乾噉者以林檎麪一升和米

麵二升味

正適調

# 作柰脯法

柰熟時中破曝乾即成矣

## 種柿第四十

說文曰柿赤實果也廣志曰小者如小杏又曰梗棗味如柿晉陽梗肥細而厚以供御王逸曰苑中牛柿李尤曰鴻柿苦瓜張衡曰山柿左思曰湖畔之柿潘岳曰梁侯烏桺之柿

柿有小者栽之無者取枝於梗棗根上插之



# 插柿法

閩

## 食經藏柿法

柿熟時取之以灰汁燥再  
三今汁絕著器中可食

## 安石榴第四十一

陸機曰張騫為漢使外國十八年得塗林塗林安石榴也廣志曰安榴有甜酸二等鄴中記云石虎苑中有安石榴子大如盂碗其味不酸抱朴子曰積石山有苦榴周景式廬山記曰香爐峰頭有大盤石可坐數百人垂生石榴二月中作花色如石榴而小淡紅敷紫萼煒燁可愛京口記曰龍剛縣有石榴西京雜記曰有甘石榴也

栽石榴法三月初取枝大如手大指者斬令長一尺半

八九枝共為一窠燒下頭二寸

不燒則漏失矣

掘圓坑深一尺

七寸口經尺豎枝於坑畔

環口布枝令勻調也

置枯骨礪石於枝

間

骨石此是樹性所宜

下土築之一寸土一重骨石平坎止

其土今沒

枝頭一寸許也

水澆常令潤澤既生又以骨石布其根下則科

圓滋茂可愛

若孤根獨立者雖生亦不佳焉

十月中以藁裹而纏之

不裹

則凍死也

二月初解放若不能得多枝者取一長條燒頭圓

屈如牛拘而橫埋之亦得然不及上法根彊早成其拘中亦安骨石其斲根栽者亦圓布之安骨石於其中也

## 種木瓜第四十二

爾雅曰楸木瓜郭璞注曰實如小瓜酢可食廣志曰木瓜子可藏枝可為數號一尺百二十節衛詩曰投我以木瓜毛公曰楸也詩義疏曰楸葉似柰葉實如小瓜黃似著粉香欲啖者截著熟灰中令萎焉淨洗以苦酒豉汁蜜之可案酒食蜜封藏百日乃食之甚美

## 木瓜種子及栽皆得壓枝亦生栽種與李同

### 食經藏木瓜法

先切去皮煮令熟著水中車輪切百瓜用三升鹽蜜一斗漬之晝曝夜內汁中

取令乾以餘汁蜜藏之亦同濃杭汁也

## 種椒第四十三

爾雅曰檉大椒廣志曰胡椒出西域范子計然曰蜀椒出武都秦椒出天水案今青州有蜀椒種本商人居椒為業見椒中黑實乃遂生意種之凡種數千枝止有一根生數歲之後更結子實芬芳形色與蜀椒不殊氣勢微弱耳遂分布種移畧通州境也

熟時收取黑子

俗名椒目不用人手數近促之則不生也

四月初畦種之

治畦

下水如種葵法

方三寸一子篩土覆之令厚寸許復篩熟糞以

蓋土上旱輒澆之常令潤澤生高數寸夏連雨時可移之移法先作小坑圓深三寸以刀子圓剗椒栽合土移之於坑中萬不失一

若拔而移者率多死

若移大栽者二月三月

中移之先作熟糞泥掘出即封根合泥埋之

行百餘里者亦得生

此物性不耐寒陽中之樹冬須草裹

不裹即死

其生小陰中

者少稟寒氣則不用裹

所謂習以性成一木之性寒暑易容若朱藍之染能不易質故

觀鄰識士見友知人也

候實口開便速收之天晴時摘下薄布曝

之令一日即乾色赤椒好

若陰時收者色黑失味

其葉及青摘取

可以為蒟乾而末之亦足充事養生要論曰臘夜令持椒卧房牀傍無與人言內井中除瘟病

# 種茱萸第四十四

食茱萸也山茱萸則不任食二月栽之宜固城隍冢高

燥之處

凡於城上種蒔者先宜隨長短掘壑停之經年然後於壑中種蒔保澤沃壤與平地無差不爾

者土堅澤流長物不連經年倍樹木尚小

候實開便收之挂著屋裏壁上令

蔭乾勿使烟熏

烟熏則苦而不辛也

用時去中黑子

肉醬魚鮮偏可所用

術曰井上宜種茱萸茱萸葉落井中飲此水者無瘟病

雜五行書曰舍東種白楊茱萸三根增年益壽除患害

也又術曰懸茱萸子於屋內鬼畏不入也

齊民要術卷四

謹案卷三第二頁後一行水盡下葵子刊本闕葵  
子二字據抄宋本補

第二頁後四行治畦皆如種葵法刊本如記女據  
抄宋本改

第三頁後五行散訖即再勞有雪刊本勞字上脫  
再字今據抄宋本增

第七頁前八行形容殊別不足以為異刊本別記  
則又脫為字並據抄宋本增改

第七頁後二行九月中始刊刊本始訛茹據抄宋

本改

第八頁後一行齷性多穢刊本穢訛稼據抄宋本

改

第九頁後三行王彪之闕中賦曰刊本闕闕字據

抄宋本補

第十四頁後一行則剪絹袋刊本闕絹字據抄宋

本補



第十六頁前一行人得盡欲知姓名者刊本脫欲  
字據抄宋本增

第十六頁後三行光風在其間刊本光訛在風字  
下又闕在字並據抄宋本補改

第十七頁後二行則年久色闇也刊本闇訛闇據  
抄宋本改

第十七頁後三行即棄滓直用純汁刊本滓訛滓  
純訛統並據抄宋本改

第十七頁後五行裏則全不入潢矣刊本脫裏字

據抄宋本增

第十七頁後七行急則令書腰折刊本脫急字據

抄宋本增

第十七頁後八行薄紙如蝨葉刊本薄訛萍葉訛

栗又略不覺補裂若屈曲者刊本覺訛卷屈訛

出並據抄宋本改

第十八頁後二行則色黃而且脆刊本脆訛肥據

抄宋本改

第十九頁前二行按令圓平刊本按訛授據抄宋  
本改

第二十頁後二行使極熟刊本極訛板據抄宋本  
改

第二十頁後三行瀉入不渝釜中刊本瀉訛為據  
抄宋本改

第二十頁後四行振去滓刊本振訛振滓訛并並

據抄宋本改

第二十頁後五行染得一足御黃刊本脫黃字據

抄宋本增

第二十一頁後一行作白履不借又曰不借刊本

借並訛惜據古今注及釋名方言諸書改

第二十一頁後四行讀孝經論語刊本讀訛論據

抄宋本改

第二十二頁後四行豪傑皆爭取金玉刊本皆訛

者據史記及抄宋本改

第二十四頁前二行所少可得為因刊本少訛多  
據抄宋本及越絕書改又因越絕書作因與此  
異

第二十五頁後三行吾欲苦樂善刊本苦訛占樂  
訛藥並據抄宋本改

卷四第二頁前六行剝去橫枝刊本枝訛之據抄  
宋本改

第二頁後七行隨便採用刊本隨訛其據抄宋本

改

第二頁後八行奇文互起刊本奇訛其據抄宋本

改

第四頁前五行斫好直枝刊本斫訛研枝訛枝並

據抄宋本改

第四頁後七行八行撼樹小實酢孟子曰養其撼

棘刊本撼樹訛貳酢闕小字又實酢下九字刊

本記孟子嘗曰臧棗臧棗者並據抄宋本及爾  
雅改

第五頁前四行抱朴子曰堯山有歷棗刊本抱朴  
子曰記孟曰據抄宋本改

第五頁前八行不宜苗稼刊本宜訛以稼訛稼並  
據抄宋本改

第五頁後四行曬棗法刊本闕法字據抄宋本補  
第五頁後八行棗性燥故刊本故訛收據抄宋本

改

第六頁前二行新將露於庭刊本新訛蔣據抄宋

本改

第六頁後五行箔上日曝刊本日訛泊據抄宋本

改

第六頁後六行以方寸匕投一椀刊本匕訛匕椀

訛援並據抄宋本改

第七頁前三行金城桃刊本桃訛梳據抄宋本改



第七頁後六行鄭玄注上刊本脫禮記曰仲夏之  
月天子羞以含桃十三字據禮記注及抄宋本  
改

第八頁前二行蔓延並似襲刊本似訛以襲訛屢  
據抄宋本改

第八頁前七行世人全房折殺者下刊本脫什不  
收一四字據抄宋本增

第九頁後三行漉著蜜中可下酒矣刊本脫下字

據抄宋本改

第九頁後六行樹及葉皆如杏刊本及訛本據抄  
宋本改

第九頁後八行核有細文刊本細訛壑據抄宋本  
改

第十一頁前四行臨菑鉅鹿並出梨刊本脫鹿字  
並訛復出訛並據抄宋本增改

第十一頁前六行落地即破取者以布囊盛之刊

本破訛收者訛著並據抄宋本改

第十一頁前七行大一圓五寸刊本圓訛圓寸訛  
方並據抄宋本改

第十二頁前三行今至割處木邊刊本邊訛還據  
抄宋本改

第十三頁後三行山有榛刊本榛訛蓁據抄宋本  
改

第十六頁後一行擬大椒刊本大訛木據爾雅改

又蜀椒出武都秦椒出天水刊本武訛五又脫  
秦字並據抄宋本增改

第十六頁後二行子實芬芳刊本闕芬字據抄宋  
本補

第十七頁前二行冬須草裏刊本冬訛各據抄宋  
本

第十七頁前三行一木之性寒暑易容若朱藍之  
染刊本 綴若朱藍句于寒暑易容之上又朱

訛宋並據抄宋本改

第十七頁前四行天晴時摘下刊本晴時二字倒

置據抄宋本改

第十七頁後五行飲此水者刊本飲訛有據抄宋

本改





總校官庶吉士臣侍朝

校對官庶吉士臣徐如澍

謄錄監生臣丁湘錦

欽定四庫全書薈要

子部

齊民要術卷

五


詳校官主事臣陳本





齊民要術卷五

後魏 賈思勰 撰

種桑柘第四十五

附養蠶

種榆白楊第四十六

種棠第四十七

種穀渚第四十八

種漆第四十九

種槐柳楸梓梧柞第五十

種竹第五十一

種紅藍花及梔子第五十二

燕支香手藥紫澤面脂粉白粉附

種藍第五十三

種紫草第五十四

伐木第五十五

種地黃法附

種桑柘第四十五

養蠶附

爾雅曰桑柘有樾柘註云柘半也女桑接桑註曰今俗呼桑樹小而條長者為女桑樹也檿桑山桑註云似桑

材中為弓及車轅搜神記曰太古時有人遠征家  
有一女并馬一匹女思父乃戲馬云能為迎我父  
吾將嫁於汝馬絕韁而去至父所父疑家中有故  
乘之而還馬後見女輒怒而奮擊父恠之密問女  
女具以告父父射殺馬曬皮於庭女至皮所以足  
蹠之曰爾馬而欲人為婦自取屠剥如何言未竟  
皮慶然起卷女而行後於大樹之間得女及皮盡  
化為蚕績於樹上世謂蚕為女兒古之遺言也因  
名其樹為桑桑言喪也  
今世有荆桑地桑之名

桑椹熟時收黑魯椹

黃魯桑不耐久謗曰魯桑百  
豐錦帛言其桑好功用多

即日以水淘取子曬燥仍畦種

治畦下水  
一如葵法常薈令

淨明年正月移而栽之

仲春季  
春亦得

率五尺一根

不用  
耕故

凡栽桑不得者無他故正為犁撥耳是以須概不用稀稀通耕犁者必難慎率多死矣且概則長疾大都種樁長遲不如壓枝其下常斫掘種叢豈小之速無栽者乃種樁也

豈

二豈良美潤澤益桑

栽後二年慎勿採沐

小採者長倍遲

大如臂

許正月中移之

亦不須荒

率十步一樹

陰相接者則妨禾豈

行欲

小犄角不用正相當

相當者則妨犁

須取栽者正月二月

中以鈎弋壓下枝令著地條葉生高數寸仍以燥

土壅之

土濕則爛

明年正月中截取而種之

住宅上及園畔者固

宜即定其田中種者亦如種樁法先概種一二年然後更移之

凡耕桑田不用近樹

傷桑破犁所謂兩失

其犁不著處斲斷

令起斫去浮根以蠶矢糞之

去浮根不妨接犁令樹肥茂也

又法

歲嘗繞樹一步散蕪菁子收獲之後放猪咬之其地柔軟有勝耕者

種禾豆欲

得逼樹

不失地利田又調熟遠樹散蕪菁者不勞逼也

剥桑十二月為上

時正月次之二月為下

白汁出則損葉

大率桑多者宜苦

斫桑少者宜省剥秋斫欲苦而避日中

觸熟樹焦枯苦研春

條冬春省剥竟日得作春採者必須長稀高机數

人一樹還條復枝務令淨盡要欲旦暮而避熱時

梯不長高枝折人不多上下勞條不還枝仍曲秋  
採不淨鳩脚多旦暮採令潤澤不避熱條葉乾

採欲省栽去妨者

則損條

榘熟時多收曝乾之凶

年粟少可以當食

魏略曰楊沛為新鄭長興平  
人多飢窮沛使民並蓄熟榘

豐豆閱其有餘以補不足積榘得千餘斛會太祖  
西征天子所將千人皆無糧沛謁見乃進乾榘太

祖甚喜及太祖輔政超為鄴令賜其生口十人絹  
百疋既欲厲之且以報乾榘也今自河以北大家

收百石少者尚數十斛故杜葛亂後飢饉荐臻唯  
仰以全軀命數州之內民死而生者乾榘之力也

種柘法耕地令熟耨耩作壟柘子熟時多收以水

淘汰令淨曝乾散訖勞之草生拔却勿令荒沒三

年間斫去堪為渾心扶老杖

一根三丈

十年中四破為

杖

一根直二十丈

任為馬鞭胡牀

馬鞭一具直十丈

胡牀一具直百丈

十五

年任為弓材

一百張

亦堪作履

一兩六十

裁截碎木中作

錐刀靶

一箇直三丈

二十年好作犢車材

一乘直萬錢

欲作

鞍橋者生枝長三尺許以繩繫旁枝木橛釘著地

中令曲如橋十年之後便是渾成柘橋

一具直絹一疋

欲

作快弓材者宜於山石之間北陰中種之其高原山田土厚水深之處多搖掘深坑於坑之中種

桑柘者隨坑深淺或一丈五直上出坑乃扶疎四散此樹條直異於常材十年之後無所不任

一樹直絹

十足

柘葉飼蠶絲好作琴瑟等絃清鳴響徹勝於凡絲遠矣

禮記月令曰季春無伐桑柘

鄭玄注曰愛養蠶食也具曲植筥筐注曰

各養蠶之器曲箔也植槌也后妃齋戒親帥躬桑以勸蠶事為散情

周禮曰馬質禁原蠶者注曰質平也主買馬平其大小

之價直者原再也天文辰為馬蠶書蠶為龍精月直大



火則浴其蠶種是蠶與馬同氣物莫能兩大故禁再蠶者為傷馬與

孟子曰五畝之宅樹之以桑五十者可以衣帛矣

尚書大傳曰天子諸侯必有公桑蠶室就川而為之大昕之朝夫人浴種于川

春秋考異郵曰陽物大惡水故蠶食而不飲陽立於三春故蠶三變而後消死於三七二十一日故二十一日而繭

淮南子曰原蠶一歲再登非不利也然王者法禁之為其殘桑也

汜勝之書曰種桑法五月取椹著水中即以手漬之以水灌洗取子陰乾治肥田十畝荒田久不耕者尤善好耕治之每畝以黍椹子各三升合種之黍桑當俱生鋤之桑令稀疎調適黍熟穫之桑生正與黍高平因以利鎌摩地刈之曝令燥後有風調放火燒之常逆風起火桑至春生一畝食三箔蠶

俞益期牋曰日南蠶八熟繭軟而薄堪採少多永嘉記

曰永嘉有八輩蠶

蠶

蟣

珍

蠶

蟣

蟣

愛

珍

五月

愛蠶

六月

寒珍

七月

四出

蠶

九月

寒蠶

十月

凡

蠶再熟者前輩皆謂之珍養珍者少養之愛蠶者故

蠶種也蟣珍三月既績出蛾取卵七八日便剖卵蠶生

多養之是為蟣蠶欲作愛者取蟣珍之卵藏內甕中隨

器大小亦可拾紙蓋覆器口安硎

若耕反

泉冷水中使冷

氣折其出勢得三七日然後剖生養之謂為愛珍亦呼

愛子績成繭出蛾卵卵七日又剖成蠶多養之此則愛  
蠶也藏卵時勿令見人應用二七赤豆安器底臘月桑  
柴二七枝以麻卵紙當令水高下與種相齊若外水高  
則卵死不復出若外水下卵則冷氣少不能折其出勢  
不能折其出勢則不得三七日不得三七日雖出不成  
也不成者謂徒績成繭出蛾生卵七日不復剖生至明  
年方生耳欲得陰樹下亦有泥器三七日亦有成者

雜五行書曰二月上壬取土泥屋四角宜蠶吉

案今世  
有三卧

一生蠶四卧再生蠶白頭蠶頤石蠶楚蠶黑蠶有一生  
再生之異灰兒蠶秋母蠶秋中蠶老秋兒蠶秋末老解  
兒蠶錦兒蠶同繭蠶或二蠶三蠶共為一繭凡三卧四  
卧皆有絲綿之別凡蠶從小與大者乃至大人簇得繭  
荆魯二桑小食則桑中與  
魯桑則有裂腹之患也

揚泉物理論曰使人之養民如蠶母之養蠶其用豈徒  
絲繭而已哉

五行書曰欲知蠶善惡常以三月三日天陰如無日不  
見雨蠶大善又法

埋馬牙齒於  
槌下令宜蠶

龍魚河圖曰埋蠶沙於宅亥地大富得蠶絲吉利以一

斛二斗甲子日鎮宅大吉致財千萬

養蠶法收取種繭必取居簇中者

近上則絲薄近下則子不生也

泥屋

用福德利上土屋欲四面開窗紙糊厚為籬屋內四角

著火

火若在一處則冷熱不均

初生以毛掃

用荻掃則傷蠶

調火令冷熱得

所

熱則焦燥冷則長遲

比至在眠常須三箔中箔上安蠶上下空

置

下箔障土氣上箔防塵埃

小時採福德上桑著懷中令煖然後切

之

蠶小不用見露氣得人體則衆惡除

每飼蠶卷窗幃飼訖還下

蠶見明則食食

多則生長

老時值雨者則壞繭宜於屋裏簇之薄布新於箔

上散蠶訖又薄以薪覆之一槌得安十箔又法

以大蓬蒿為薪

散蠶令遍懸之於棟梁椽柱或垂繩鉤戈鵝爪龍牙上下數重所在皆得懸訖新下微生炭以煖之得煖則作連傷寒則作遲數入候看熱則去火蓬蒿疎涼無鬱浥之憂死蠶旋墜無汚繭之患沙策不住無癰痕之疵鬱浥則難練繭汚則絲散癰痕則無用蓬蒿簇亦良其外簇者脫遇天寒則全不作繭用明易練而絲胎日曝死者雖白而漕脆腴練長衣著幾將倍矣甚者虛實失歲功堅脆懸絕資生要理安可不知之哉

崔寔曰三月清明節令蠶妾治蠶室塗隙穴具槌持箔籠

龍魚河圖曰冬以臘月鼠斷尾正月旦日未出時家長

斬鼠著屋中祝云付勅屋吏制斷鼠蟲三時言功鼠不敢行

雜五行書曰取亭部地中土塗竈水火盜賊不經塗屋四角鼠不食蠶塗倉簞鼠不食稻以塞坎百日鼠種絕淮南萬畢術曰狐目狸腦鼠去其穴

注曰取狐兩目狸腦大如狐目三枚

椅之三千杆塗鼠穴則鼠去矣

### 種榆白楊第四十六

爾雅曰榆白粉注曰粉榆先生葉却著莢皮色白廣志曰有姑榆有朗榆案今世有刺榆木甚牢固可以為犢



車材粉榆可以為車轂及器物山榆人以為蕪荑凡種者宜種刺粉兩種利益為多其餘軟弱例非佳好之也木

榆性扇地其陰下五穀不植

隨其高下廣狹東西北三方所扇各與樹等

種

者宜於園地北畔秋耕令熟至春榆莢落時收取漫散

犁細耨勞之明年正月初附地芟殺以草覆上放火燒

之

一根上必十數條俱生止留一根強者餘悉掐去之

一歲之中長八九尺矣

不燒

則長後年正月二月移栽之

初生即移者喜曲故須叢林長之三年乃移植

初

生三年不用採葉尤忌採心

採心則科茹太長更須依法燒之則依前茂矣不

用剥沐

剥者長而細又多癍痕不剥則短麗而無病諺曰不剥沐十年成穀言易麗也必欲剥者宜留

二於壅坑中種者以陳屋草布壅中散榆莢於草上以

土覆之燒亦如法

陳草還根肥良勝糞無陳草者用糞之亦佳不糞雖生而瘦既栽移者

燒亦如法也

又種榆法其於地畔種者致摧損谷既非叢林

率多曲戾不如割地一方種之其白土薄地不宜五穀

者唯宜榆及白地須近市

賣柴莢葉省功也

挾榆刺榆凡榆三

種色別種之勿令和雜

挾榆莢葉味苦凡榆莢味甘甘者春時將煮賣是須別也種

地收莢一如前法先畊地作壠然後散榆莢

壅者看好料理又易

五寸一英  
稀概得中  
散訖勞之榆生共草俱長未須料理明年正

月附地芟殺放火燒之亦任生長勿使長止兩近又至

明年正月斫去惡者其一株止有七八根生者悉皆砍

去唯留一根麤直好者三年春可將莢葉賣之五年之

後便堪作椽不挾者即可砍賣一根十文挾者鑿作獨樂及

盞一箇三文十年之後魁椀瓶榼器皿無所不任一椀七文一魁二十

瓶榼器皿一百文也十五年後中為車轂及蒲桃瓮瓮一口值二百車轂一具

值絹三疋其歲歲科簡剥治之功指柴雇人十束雇一人無

業之人爭來就作賣柴之利已自無貲

歲出萬束一束三丈則三十貫

莢葉在外也

况諸器物其利十倍

於柴十倍歲收三十萬

砍後復生不

勞更種所謂一勞永逸能種一項歲收千足唯須一人  
守護指揮處分既無牛耕種子人功之費不慮水旱風  
蟲之災比之穀田勞逸萬倍男女初生各與小樹二十  
株比至嫁娶悉任車轂一樹三具一具值絹三疋成絹  
一百八十疋聘財資遣粗得充事

術曰北方種榆九根宜蠶桑田穀好

崔寔曰二月榆莢成及青收乾以為旨蓄

旨美也蓄積也司部收青

英小蒸曝之至冬以釀酒滑香宜養老詩云我有旨蓄亦以御冬也

色變白將落可作醬

酹隨節早晏勿失其適

酹音年酹音頭榆醬

白楊

一名高飛一名獨搖

性甚勁直堪為屋材折則折矣終不曲

撓

奴孝切榆性軟久無不曲比之白楊不如遠矣且天性多曲長又遲緩凡屋材松柏為上白楊次之榆為下也

種白楊法秋耕令熟至正月二月中以犁作壟一壟之

中以犁逆順各一到場中寬狹正似作葱壟作訖又以

鍬掘底一坑作小塹斫取白楊枝大如指長三尺者屈

著壟中以土壓上令兩頭出土向上直豎二尺一株明

年正月中剥去惡枝一畝三壟一壟七百二十株一株

兩根一畝四千三百二十株三年中為蠶槲都格反五年

任為屋椽十年堪為棟梁以蠶槲為率一根五錢一畝

歲收二萬一千六百文柴及棟梁椽柱在外歲種三千畝三年九

千畝一年賣三十畝得錢六十四萬八千文周而復始

永世無窮比之農夫勞逸萬倍去山遠者實宜多種千

根以上所求必備

# 種棠第四十七

爾雅曰杜甘棠郭璞注曰今之杜梨詩曰蔽芾甘棠毛云甘棠杜也詩義疏云今甘棠梨一名杜梨如梨而小味酢可食也唐詩曰有杖之杜毛云杜即棠也與白棠同但有赤白美惡子赤白色者為白棠甘棠也酢滑而美赤棠子澁而酢無味俗語云澁如杜赤棠木理赤可作弓幹棠今棠葉有中染絳者有惟中染上紫者杜則全不用其實三種則異爾雅毛郭以為同未詳也

棠熟時收種之否則春月移栽八月初天晴時摘葉薄

布曬令乾可以染絳

必候天晴時少摘葉乾之後更摘取慎勿頻收若遇陰雨則澆澆不

堪染絳也

成樹之後歲收絹一疋

亦可多種利乃勝桑也

# 種穀楮第四十八

說文曰穀者楮也案今世人有名之曰角楮非也蓋角穀聲相近因訛耳其皮可以為紙者也

楮宜澗谷間種之地欲極良秋上楮子熟時多收淨淘曝令燥耕地令熟二月耨耩之和麻子漫散之即勞秋冬仍

留麻勿刈為楮作煖

若不和麻子種卒多凍死

明年正月初附地芟殺

放火燒之一歲即没人

不燒者瘦而長亦遲

三年便中所

未滿三年者皮

薄不用斫法十二月為上四月次之

非此兩月而斫者則多枯死也

每歲

正月常放火燒

自有乾在地足得火然不燒則不滋茂也

二月中間斫去惡



根斲者地熟楮科亦以留潤澤也移栽者二月蒔之亦三年一斫三年不斫

者徒失錢無益也指地賣者省功而利少煮剥賣皮者雖勞而利

大其柴足以供然自能造紙其利又多種三十畝者歲斫十畝

三年一徧歲收絹百疋

### 種漆第四十九

凡漆器不問真偽送客之後皆須以水淨洗置牀薄上於日中半日許曝之使乾下晡乃收則堅牢耐久若不即洗者鹽醋浸潤氣徹則皺器便壞矣其朱裏者仰而

曝之朱本和油性潤耐日故盛夏連雨土氣蒸熱什器之屬雖不經夏用六月中各須一曝使乾世人見漆器暫在日中恐其災壞合著陰潤之地雖欲愛慎朽敗更速矣

凡木畫服翫箱椀之屬

入五月盡七月九月終每經雨以布纏指指令熱徹膠不動作

光淨耐久若不指拭者地氣蒸熱偏上生衣厚潤徹膠便皴動處起發皴然破矣

種槐柳楸梓梧柞第五十

爾雅曰守宮槐葉畫聶宵炕注曰槐葉畫日聶合而夜炕市者名守宮孫炎曰炕張也

槐子熟時多收擘取數曝勿令蟲生五月夏至前十餘

日以水浸之

如浸麻子法也

六七日當芽生好雨種麻時和麻

子撒之當年之中即與麻齊麻熟刈去獨留槐槐既細

長不能自立根別樹木以繩欄之

冬天多風雨繩欄宜以茅裏不則傷皮成

痕癥也

明年斫地令熟還於下種麻

背槐令長

三年正月移而

植之亭亭條直千百若一

所謂蓬生麻中不扶自直

若隨宜取栽匪

直長遲樹亦曲惡

宜於園中割地種之若園好未移之間妨廢耕墾也

種柳正月二月中取弱柳枝大如臂長一尺半燒下頭

二三寸埋之令沒常足水以澆之必數條俱生留一根

茂者

餘皆斫去

別豎一柱以為衣主每一尺以長繩柱攔之

若不欄必為風所摧不能自立

一年中即高一丈餘其旁生枝葉即摘

去令直聳上高下人任取足便摘去正心即四散下垂

婀娜可愛

若不摘心則枝不四散或斜或曲生亦不佳也

六七月中取春生少

枝種則長倍疾

少枝葉青而壯故長疾也

楊柳下田停水之處不得五穀者可以種柳八九月中

水盡燥濕得所時急耕則鑿榛之至明年四月又耕熟

勿令有塊即作場壟一畝三壟一壟之中逆順各一到  
場中寬狹正似蔥壟從五月初盡七月末每天雨時即  
觸雨折取春生少枝長疾三歲成椽比於餘木雖微脆  
亦足堪事一畝二千六百六十根三十畝六萬四千八  
百根根直八錢合收錢五十一萬八千四百文百樹得  
柴一載合柴六百四十八載直錢一百文柴合收錢六  
萬四千八百文都合收錢五十八萬三千二百文歲種  
三十畝三年種九十畝歲賣三十畝終歲無窮

憑柳可以為楮車輞雜材及椀

術曰正月旦取楊柳枝著戶上百鬼不入家

種箕柳法山澗河旁及下田不得五穀之處水盡乾時

熟耕數遍至春凍釋於山陂河坎之旁刈取箕柳三寸

絕之漫散即勞勞訖引水停之至秋任為簸箕五條一錢

一畝歲收萬錢

山柳赤而脆  
河柳白而弱

陶朱公術曰種柳千樹則足柴十年以後髡一樹得一

載歲髡二百樹五年一週

楸梓

詩義疏曰楸梓之疏理色白而生子者為梓說文曰櫟楸也然則楸梓二木相類者也白色有魚者

名為梓似楸有角者名為角枝或名子根黃色無子者為柳楸世人見其根黃呼為荆黃根也

亦宜割

地一方種之梓楸各別無令和雜

種梓法秋耕地令熟秋末冬初梓角熟時摘取曝乾打

取子耕地作壟漫散即再勞之明年春生有草枝令去

勿使荒沒後年正月間斫移之方步兩步一樹

此樹須大不得

栽即無子可於大樹四面掘坑取栽移之一方兩步一

根兩畝一行一行百一十株五行合六百株十年後一

樹千錢柴在外車板盤合樂器所在任用以為棺材

勝於松栢

術曰西方種楸九根延年百病除

雜五行書曰舍西種梓楸各五根

子孫孝順口舌消滅也

梧桐

爾雅曰榮桐木注云即梧桐也又曰觀梧注云今梧桐皮青者曰梧桐案今人以其皮青號曰青桐

也青桐九月收子二月中作一步圓畦種之

方大則難裏所

以須治畦下水一如葵法五寸下一子少與熟糞和土

覆之生後數澆令潤澤

此木宜濕故也

當歲即高一丈至冬豎

草於樹間令滿外復以草圍之以蒿十道束置

不然則凍死也



明年三月中移植於廳齋之前華淨妍雅極為可愛後

年冬不須復裹成樹之後剥下子一石

子於葉上生多者五六少者二

三炒食甚美

子似菱芡多噉亦無妨也

白桐無子

冬結似子者乃是明年之花房

亦

遠大樹掘坑取栽移之成樹之後任為樂器

青桐則於不中用

山石之間生者樂器則鳴青白二桐並開堪車板盤合

櫟等用作

爾雅云櫟野也注云柞樹素俗人呼野為櫟子以櫟殼為野十以刺刺似斗故也櫟子微

歲可食以為飯豐年我猪食之可以致肥也

宜於山阜之曲三徧熟耕漫散

櫟子即再勞之生則薈治常令淨潔一定不移十年中

椽可雜用

一根值十文

二十歲中屋樑

一根值百錢

柴在外斫去

尋生料理還復凡為家具者前件木皆所宜種

十歲之後無求

給不

### 種竹第五十一

中國所生不過淡苦二種其名目奇異者列之於後條也

宜高平之地

近山阜尤是所宜下田得

水則死

黃白軟土為良正月二月中斲取西南引根并莖

芟去葉於園內東北角種之令坑深二尺許覆土厚五

寸竹性愛向西南引故園東北角種之數歲之後自當滿園諺云東家種竹西家治地為滋蔓而東生也其

居東北角者老竹種不生生亦不能滋茂故須取西南引少根也

稻麥糠糞之

二糠各自堪糞不令

和雜

不用水澆

澆則淹死

勿令六畜入園二月食淡竹笋四月

五月食苦竹笋

蒸煮魚酢在人所好

其欲作器者經年乃堪殺

未經

年者軟未成也

筍

爾雅曰笋竹萌說文曰笋竹胎也孫炎曰初生竹謂之笋詩義疏云筍皆四月生唯巴竹笋八月生盡九

月成都府有之筍冬夏生始數寸可煮以苦酒浸之可下酒及食又可米藏及乾以待冬月也

永嘉記曰含隋竹笋六月生迄九月味與箭竹笋相似

凡諸竹笋十一月掘土取皆得長八九寸長澤民家盡

養黃苦竹永寧南漢更年上笋大者一圍五六寸明年應上今年十一月笋土中已生但未出須掘土取可至明年正月出土訖五月方過六月便有含隋笋含隋笋迄七月八月九月已有箭竹笋迄後年四月竟年常有笋不絕也

竹譜曰

棘竹笋味淡落人鬚髮筴節出笋無味雞頭竹笋肥美眉竹笋冬生者也

食經曰

淡竹笋法取笋肉五六寸者按鹽中一宿出鹽令盡煮糜一斗分五升與一升鹽相和糜熟須

令冷內竹笋醃糜中一日拭之內淡糜中五日可食也

種紅花藍花梔子第五十二

燕支香手藥紫澤面脂粉白粉附

花地欲得良熟二月初種也

種法欲雨後速下或漫散種或耬下

一如種麻法亦有鋤培而掩種者子料大而易移理花

出欲日日乘涼摘取

不摘則乾

摘必須盡

餘留即合

五月子熟拔

曝令乾打取之

子亦不用

五月種晚花

春初即留子入五月便種若待新花熟後

取子則太晚矣

七月中摘深色鮮明耐久不黧勝春種者負郭

良田種頃者歲收絹三百疋一頃收子二百斛與麻子

同價既任車脂亦堪為燭即是直頭成米

二百石米已當穀田三百

疋絹端一頃收花日須百人摘以一家手力十不充一  
然在外

但駕車地頭每旦當有小兒僮女百十餘羣自來分摘  
正須平量中半分取是以單夫隻妻亦得多種

殺花法

摘取即確持使熟以水淘布袋絞去黃汁更擣以粟飯漿清而醋者淘之又以布袋絞汁即收

取染紅勿弃也絞訖著甕器中以布蓋上雞鳴更擣以  
栗令均於席上攤而曝乾勝作餅作餅者不得乾令花

也  
浥鬱

作燕脂法預燒落蔡蔡蕞及蒿作灰

無者即草灰亦得

以湯淋

取清汁

初汁純厚大醲即放花不中用惟可洗衣取第三度湯者以用菜花扣使好色也

揉花

十許變勢  
盡乃生

布袋紋取純汁著甕碗中取醋石榴兩三箇

擘取子擣破少著粟飯漿水極酸者和之布紋取瀋以

和花汁

若無石榴者以好醋和飯漿亦得若復無醋者清飯漿極酸者亦得空用之

下白米

粉大如酸棗

粉多則白

以淨竹著不膩者良久痛攪蓋冒至

夜瀉去上清汁至淳處止傾著白練角袋子中懸之明

日乾浥浥時捻作小瓣如半麻子陰乾之則成矣

合香澤法如清酒以浸香

夏用冷酒春秋溫酒令暖冬則小熱

雞舌香

俗人

以其似丁子故為丁子香也

藿香苜蓿蘭香凡四種以新緜裹而浸

之夏一宿春秋再宿冬三宿用胡麻油兩分猪腹一分內銅鐺中即

以浸香酒和之前煎數沸後便緩火微煎然後下所浸香

煎緩火至暮水盡沸定乃熟

以火頭內澤中作聲者水未盡有煙出無聲者水盡

也澤欲熟時下少許青蒿以發色懸幕鐺甬瓶口瀉

合面脂法牛髓

牛髓少者用牛脂和之若無髓空用脂亦得也

溫酒浸丁香藿

香二種

浸法如煎澤法

煎法一同合澤亦著青蒿以發色懸濾

著瓷漆盞中令凝若作脣脂者以熟米和之青油裏之

其冒霜雪遠行者常齧蒜令破以揩脣既不劈裂又令



辟惡賊

面患皴者夜燒梨令熟以糠湯洗面訖以煖梨汁塗之令不皴亦連染布爵以塗面亦不皴也

合手藥法取豬脰一具

摘去其脂

合蒿葉於好酒中痛按使

汁甚滑白桃人二七枚

去黃皮研碎酒解取其汁

以綿裹丁香藿香

甘松香橘核十顆

打碎

著脰汁中仍浸置勿出瓷貯之夜

煮細糠湯淨洗面拭乾以藥塗之令手軟滑冬不皴

作紫粉法用白米英粉三分胡粉一分

不著胡粉不著人面

和合

均調取葵子熟蒸生布絞汁和粉日曝令乾若色淺者

更蒸取汁重染如前法

作米粉法染米第一粟第二

如用一色純第  
米勿使有雜白使甚細簡去

碎者各自純作莫雜餘種

其雜米糯米小麥黍米  
榛米作者不得好也

於槽中

下水脚踏十徧淨淘水清乃止大甕中多著冷水以浸

米

春秋則一月夏則二十日  
冬則六十日唯多日佳

不須易水臭爛乃佳

日若  
淺者

粉不潤美日滿更汲新水就甕中沃之以手把攪淘去醋氣

多與徧數氣盡乃止稍出著一砂盆中熟研以水沃攪

之接取白汁絹袋濾著別甕中麤沉者更研之水沃接

取如初研盡以杷子就甕中良久痛抨然後澄之接去

清水貯出淳汁著大盆中以板一向攪勿左右迴轉三

百餘匝停置蓋甕勿令塵污良久清澄以杓徐徐去清

以三重布帖粉上以粟糠著布上糠上安灰灰濕更以

乾者易之灰不復濕乃止然後削去四畔麤白無光潤

者別收之以供麤用

麤粉米皮所成故無光潤

其中心圓如鉢形酷

似鴨子白光潤者名曰粉英

英粉米心所成是以光潤也

無風塵好

日時書布於牀上刀削粉英如曝之乃至粉乾足

將住反

手痛按勿住

痛按則滑美不按則澁惡

擬人客作餅及作香粉以供

粧摩身體

作香粉法唯多著丁香於粉合中自然芬馥

亦有搗香末絹和粉

者亦有水沒香以香汁澆粉者皆損色又費香不如全著合中也

種藍第五十三

爾雅曰歲馬藍注曰今大葉冬藍也廣志曰有木藍今世有莢楮藍也

藍地欲得良三遍

細耕三月中浸子令芽生乃畦種之治畦下水一同葵

法藍三葉澆之

晨夜再澆之

薈治令淨五月中新雨後即按

濕糝搆拔栽

夏小正曰五月洛薈藍薈

三莖作一科相去八寸

栽時既濕

向背不急  
鋤堅確也

五徧為良七月中作坑令受百許束作麥稈

泥泥之令深五寸以苫蔽四壁刈藍倒豎於坑中下水

以木石鎮壓令沒熟時一宿冷時再宿漉去荻內汁於

甕中率十石甕著石灰一斗五升急抨

善彭反

之一食頃

止澄清瀉去水別作小坑貯藍澱著坑中候如強粥還  
出甕中盛之藍澱成矣種藍十畝敵穀田一頃能自染  
青者其利又倍矣

崔寔曰榆莢落時可種藍五月可刈藍六月種冬藍

冬藍

木藍也人  
月用藥也

### 種紫草第五十四

爾雅曰藐苺草注一名紫炭廣志曰隴西紫草紫之上  
者本草經曰一名紫丹博物志曰平氏山之陽紫草特  
好黃白軟良之地青沙地亦善開荒黍稷下佳性不

耐水必須高田秋耕地至春又轉耕之三月種之耬耩

地逐壟手下子

良田一畝用子二升薄田用子三升

下訖勞之鋤如穀法

唯淨唯佳其壟底草則拔之

壟底用鋤則傷紫草

九月中子熟刈

之候穉

芳蒲反

燥載聚打取子

濕戴子則鬱澀

即深細耕

不細不深則失

草尋壟以耙耨取整理

收草宜併手力速竟為良遭雨則損草也

一扼隨以

茅結之

擘葛彌善

四扼為一頭當日則斬齊顛倒十重許為

長行置堅平之地以板石鎮之令扁

濕鎮直而長燥鎮則碎折不鎮賣難

售也兩三宿豎頭著日中曝之令浥浥然

不曝則鬱黑太燥則碎折五

十頭作一洪

洪十字大頭向外以葛纏絡

著敞屋下陰涼處棚棧上

其棚下勿使驢馬糞及人溺又忌煙皆令草失色其利

勝藍若欲久停者入五月內著屋中閉戶塞向密泥勿

使風入漏氣過立秋然後開草出色不異若經夏在棚

棧上草便變黑不復任用

伐木第五十五

種地黃法附

凡伐木四月七月則不蟲而堅枊榆莢下桑椹落亦其

時也然則凡木有子實者候其子實將熟皆其時也非時

者蟲而凡非時之木水漚一月或火燂取乾蟲則不生

且脆也水浸之木更益柔枊

周官曰仲冬斬陽木仲夏斬陰木

鄭司農云陽木春夏生者陰木秋冬生者

松栢之屬鄭玄曰陽木生山南者陰木生山北者冬則斬陽夏則斬陰調堅也軟柔栢之性不生蟲蠹四時皆



得無所選為山中雜木自非七月四月兩時殺者率多  
生蟲無山南山北之異鄭君之說又無取則周官伐木  
蓋以順天道調陰陽未必  
為堅躬之異蟲蠹者也

禮記月令孟春之月禁止伐木

鄭玄注云為盛德所在也

孟夏之月

無伐大樹

逆時氣也

季夏之月樹木方盛乃命虞人入山行

木無有斬伐

為其未堅躬也

季秋之月草木黃落乃伐薪為炭仲

冬之月日短至則伐木取竹箭

比其堅躬成之極時也

孟子曰斧斤以時入山林材木不可勝用也

趙岐注曰時謂草木

零落之時使材木得茂暢故有餘也

淮南子曰草木未落斧斤不入山林

九月草木解也

崔寔曰自正月以終季夏不可伐木必生蠹蟲或曰其月無壬子日以上旬伐之雖春夏不蠹猶有剖析間解之害又犯時令非急無伐十一月伐竹木

種地黃法須黑良田五徧細耕三月以上旬為上時中旬為中時下旬為下時一畝下種五石其種還用三月中掘取者逐犁後如禾麥法下之至四月末五月初生苗訖至八月盡九月初根成中染若須留為種者即在

地中勿掘之待來年三月取為種計一畝可收根三十石有草鋤不限徧數鋤時別作小功鋤勿使細土覆心今秋收訖至來年更不須種自旅生也唯鋤之如此得四年不要種之皆餘根自出矣

齊民要術卷五